



KNATTSPYRNUSAMBAND ÍSLANDS

Aðildarfélög KSÍ
Formenn/framkvæmdastjórar

Reykjavík, 17. apríl 2009.

Breytingar á reglugerð KSÍ um knattspyrnumót

Ágætu félagar

Stjórn KSÍ samþykkti á fundi sínum þann 16. apríl tvær breytingar á reglugerð KSÍ um knattspyrnumót. Annars vegar er um að ræða breytingu á ákvæðum um skipan aðstoðardómara á leiki í riðlakeppni 3. deildar karla og riðlakeppni 1. deildar kvenna hins vegar breytingu er snýr að keppni í eldri flokki, 30 ára og eldri.

Reglugerð KSÍ um knattspyrnumót 19. grein - Dómaramál

Gerð er breyting á 19. grein reglugerðar KSÍ um knattspyrnumót en greinin fjallar um dómaramál. Breytingar koma fram í greinum 19.2., 19.3. og 19.5. Það sem út fellur er tvíyffirstrikað og það sem inn kemur er skástrikað og feitletrað:

19.2. KSÍ skal tilnefna og vera ábyrgt fyrir dómara í leikjum í eftirfarandi mótum:

- öllum mótum KSÍ í meistaraflokki,
- keppni U23 ára liða karla,
- A og B deild 2. flokks karla,
- bikarkeppni 2. flokks karla frá 8 liða úrslitum,
- úrslitakeppnum og úrslitaleikjum yngri flokka og eldri flokks.

KSÍ skal einnig tilnefna og vera ábyrgt fyrir aðstoðardómurum í sömu leikjum, þar sem þess er krafist, nema í ~~riðlakeppni 3. deildar karla, riðlakeppni 1. deildar kvenna,~~ keppni U23 ára liða og leikjum 2. aldursflokks.

19.3. Heimalið skal tilnefna og vera ábyrgt fyrir dómara í leikjum í eftirfarandi flokkum og mótum:

- landsmótum yngri flokka (deildum og riðlum) [en ekki í A og B deild 2. flokks karla]
- bikarkeppni yngri flokka, [en ekki í bikarkeppni 2. flokks karla frá 8 liða úrslitum],
- keppni eldri flokka (riðlakeppni).

Heimalið skal tilnefna og vera ábyrgt fyrir aðstoðardómurum í leikjum í eftirfarandi flokkum og mótum:

~~a. 3. deild karla (riðlakeppni) og 1. deild kvenna (riðlakeppni),~~

- ~~a).~~ keppni U23 ára liða karla,
- ~~b).~~ Íslandsmóti og bikarkeppni 2. flokks,
- ~~c).~~ keppni eldri flokka (riðlakeppni),
- ~~d).~~ í öðrum leikjum

Heimalið getur tilnefnt aðstoðardómara á leiki í keppni 11 manna liða þó þess sé ekki krafist.

19.5. Hafi dómari eða aðstoðardómara með tilskilin réttindi ekki mætt til leiks innan 30 mínútna frá því að hann átti að hefjast, skal leik frestað og settur á að nýju á heimavelli aðkomuliðs. Þessi regla á við þegar heimalið ber ábyrgð á mætingu dómara og aðstoðardómara. Sömu tímamörk gilda einnig þegar KSÍ ber ábyrgð á dómara og/eða aðstoðardómurum. Skal í slíkum tilfellum setja leikinn á að nýju á sama velli og áður. Greiðir KSÍ þá allan kostnað vegna dómara og/eða aðstoðardómara, svo og ferðakostnað aðkomuliðs. ***Í riðlakeppni 3. deildar karla og riðlakeppni 1. deildar kvenna skal leikur þó fara fram þrátt fyrir að aðstoðardómara tilnefndir af KSÍ mæti ekki til leiks og skal þá leikið án aðstoðardómara eða með aðstoðardómurum tilnefndum af heimaliði skv. ákvörðun dómarans.***

Í breytingunni felst að framvegis mun KSÍ tilnefna og vera ábyrgt fyrir aðstoðardómurum í riðlakeppni 3. deildar karla og riðlakeppni 1. deildar kvenna. Vakin er sérstök athygli á ákvæði í grein 19.5. þar sem skýrt er að þó svo að aðstoðardómara tilnefndir af KSÍ mæti ekki til leiks þá skal leikið, annað hvort án aðstoðardómara eða með aðstoðardómurum tilnefndum af heimaliði. Dómari leiksins tekur ákvörðun um hvor leið er farin. Fyrri hluti greinar 19.5. á því ekki við um í tilfelli aðstoðardómara í riðlakeppni 3. deildar karla og riðlakeppni 1. deildar kvenna. Með þessari breytingu er komið til móts við þá ósk að KSÍ tilnefni dómara og aðstoðardómara á alla leiki meistaraflokka.

Breytingin tekur gildi nú þegar.

Reglugerð KSÍ um knattspyrnumót 30. grein – eldri flokkur karla, 30 ára og eldri

Gerð er breyting á 30. grein reglugerðar KSÍ um knattspyrnumót sem fjallar um eldri flokk karla, 30 ára og eldri. Breytingin kemur fram í nýrri grein, 30.1.5. Viðbót við greinina kemur fram skástrikuð og feitletuð.

30.gr.

Eldri flokkur karla 30 ára og eldri

Aldur: 30 ára á almanaksárinu og eldri.

Leiktími: 60 mín. (2 x 30 mín.)

Leikhlé: 10 mín.

Framlenging: 15 mín. (2 x 7,5 mín.)

Leikmannaskipti: Skv. reglugerð KSÍ um knattspyrnu í 7 manna liðum.

Stærð knattar: 5.

Keppni fer fram skv. reglugerð KSÍ um knattspyrnu í 7 manna liðum

30.1. Íslandsmót - 7 manna lið

30.1.1. Hlutgengir til þátttöku eru leikmenn sem verða 30 ára á almanaksárinu og eldri.

30.1.2 Leikreglur skulu fylgja knattspyrnulögunum og reglugerð KSÍ um knattspyrnumót nema annað sé tekið fram í reglugerð KSÍ um knattspyrnu í 7 manna liðum

30.1.3. Hverju félagi er heimilt að senda tvö lið til keppni. Sami leikmaður félags er þá aðeins hlutgengur með öðru liðinu.

30.1.4. Mótanefnd skal ákveða fyrirkomulag mótsins þegar þátttaka liggur fyrir.

30.1.5. Frávik – 11 manna lið

a) Þrátt fyrir að mótið fari fram skv. reglugerð KSÍ um knattspyrnu í 7 manna liðum er heimilt, ef bæði keppnislíð eru sammála um slíkt, að einstakir leikir fari fram skv. knattspyrnulögunum (11 leikmenn og 5 varamenn). Leikmannaskipti skulu þó vera skv. reglugerð KSÍ um knattspyrnu í 7 manna liðum.

b) Meðferð agamála skal vera skv. ákvæði reglugerðar aga- og úrskurðanefndar KSÍ um keppni í 7 manna liðum.

Í breytingunni felst að fallist bæði lið á að leika með 11 manna lið skal það heimilt. Leiktími, leikmannaskipti, leikhlé o.s.frv. breytast þó ekki við þetta frávik og skýrt er að meðferð agamála fer eftir ákvæðum reglugerðar aga- og úrskurðarnefndar KSÍ um keppni í 7 manna liðum.

Breytingin tekur gildi nú þegar.

Ef frekari upplýsinga er óskað þá vinsamlegast hafið samband við undirritaðan.

Bestu kveðjur



Þórir Hákonarson
framkvæmdastjóri KSÍ